

按李取穿錢搭鈔人夫例

成化二十一年十一月二十四日都察院等衙門
右副都御史等官屠題爲減省財物以蘇
民困等事該順天府宛平大興二縣老人張
能等奏_臣等見在京軍民人等民人有本等
糧草差糧軍匠有本等生使開張鋪面買
辦之人有本等買辦累及万狀不可勝數
看得刑部都察院大理寺等衙門所用刑
具長枷鐵鐐手肘荆棍竹片拶指鉄鎖項
等件按季具手本行宛大二縣耳用分派
民間并匠人鋪戶買送及思刑部十三司都
察院十三道取用穿錢搭鈔人夫每司道
或取十數人或取七八名者行取鋪戶匠人

前去搭墊穿錢累及人難如蒙將前項刑具
就將見問囚犯內免達灰炭照依照價買辦
送用其長枷鐐肘鉄鎖等項中間有損壞可
以修理者行工部取匠修理大理寺荆杖就於
見審囚內量出收貯在官分用穿錢搭鈔人夫
就於各司道見問囚人內取撥將前項人夫等
項人夫分豁等因具本該通政司官奉奏

聖旨法司知道欽此欽遵查得刑部每司約用長枷五百三十四
面手肘七百八十付拶指一千三百把鉄鎖
六百五十條鎖頭六百五十箇鐐鉄七百八
十付方枷二百六十面鉄釘二千箇大小刑
杖九万一千根竹板三千片都察院每歲約
用長枷一百二十四面手肘四百二十付鉄索

九十條鎖頭九十箇鉄鐐四百付拶指八百
付方枷六百面鉄釘二千箇大小刑杖二千
二百根竹板二千片大理寺每歲約用拶指四
百四十把刑杖四千八百根竹板七百六十片
臣等會議得老人張能等奏稱在京軍民
人等粮草差役買辦累及万状要將刑部
等衙門刑具按月於見問囚犯內量撥充運灰
炭照依特價買辦若有損壞修理送用一節因
爲有理但前項刑具內除方枷不係常用之
刑鉄鎖鐵鐐亦非易壞之具若有損壞隨即
修理亦可應用其長枷手杻刑杖拶指等項
日逐應用數多若俱令囚犯買辦誠恐一時
不敷未免淹滯若俱令兩縣買辦則粮差

累及端民實不堪必須令爲處置庶得官
民兩得其便合無今後刑部都察院問擬徒
罪以下罪俱送工部除徒囚罪照旧運灰等項
外其笞杖罪囚斟酌俱用方枷方杻脚鐐鉄
索鉄釘鎖頭竹板拶指數目免其運灰等
項量爲折收銀兩照依特價買辦收貯左
部用過刑具損壞可以修理者亦送本部修
理俱听三法司取用其刑杖俱兩縣地所出准令
工部買辦穿錢搭鈔人夫必須久慣諳曉
之人亦准於囚人內取撥合照旧於宛大二縣行
取應用等因具題本月二十六日於

奉天門奏奉

聖旨是穿錢搭鈔人夫悉还查各司道取用實數來看

欽此欽遵查一得刑部都察院贍罰錢鈔俱
一年四季子送

內府官庫交收其穿錢搭鈔人夫四季行取刑部十三司每
季取十三名都察院十三道每季十名俱於季
終暫時取用穿錢搭鈔完畢隨即放回大理寺
左右兩寺俱不行取令欲令各司道仍於季
終行移宛平二縣照數取用未敢擅便具題
奉

聖旨這人夫每季刑部取十三名都察院五名欽此

問刑不許拘泥成案信憑叅語及將重情
俱擬不應并以誣告捏作輕告

弘治元年四月十三日都察院左都御史馬 等
為陳言申明職掌清理刑獄事該大理寺右評
事曾永清奏竊聞刑者民命所關刑清則
化行化行則民用和睦而百順至否則大災
降譴而百異興自古君天下者未有不以刑獄
為重也仰惟

皇上初登

寶位維新治化首領

明詔

大赦天下是以久禁囹圄者悉蒙

大造之恩犯至死刑者多獲再生之德中外歡騰華夷
稱慶和氣充周於兩間嘉祥已彌於六
合故